

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

CCCXXVII. Sterilis trium noverca.

urn:nbn:de:hbz:466:1-12889

sponsum dederat civitati. Magna arcessebatur anima : debuit duci honesta via. Quem igitur potius in fine actionis meæ invocem , quam illum mihi proprium Deum?

CCCXXVII.

Sterilis trium noverca.

¹ Introdūcta tribus privignis , sterilitatis medicamentum bībit : repudiata , iusti repudii agit.

DECLAMATIO.

QUOD primum pertinet ad pudorem hujus fœminæ , non adulterium objicitur , non aliqua ad versus mari- tum licentia. Necesse est plurimum ejus moribus tribuat , ex qua liberos quærerit. Omnis repudii causa in crimin e uno consistit. Hoc quale sit , postea videbimus : interim unum est in quo mortalium tanta facilitas , nec de fœmina loquor , cuius infirmior sexus est , sed in ipsis etiam qui prudentia , sapientiaque gloriari solent , habet locum pœnitentiæ. Sed unum sit sane grave , sit scelestum , & hercule , credibile erit , in ea quæ tres privignos habuit. Expe cto ex his aliquid novercalibus factis. Venenum paravit? insidiata est liberis tuis? vel (quod levissimum est) expugnare animum tuum voluit? nihil horum. Novum & inauditum antea crimen , Noverca nimium dicitur amare privignos , sterilitatis medicamentum bībit. Si tu liberos non haberet , poteram tamen illa dicere , Periculum timuit , documentis quarundam infeliciter parientium mota est , fortasse male sensit de temporibus ipsis : vidit eam luxuriam , ea vitia , ut pene educare liberos amentis esset. Tu porro ² in uxore nihil aliud expectas quam fœcunditatem? Non parit : sed obsequium , sed fidem præstat. Sed jam tempus est propriis eam rationibus defendi. Bībit illud cum tres liberos haberet ; nec statim hoc amore & affectu defendo : interim tanquam ambitiosam tuebor. Voluit effu-

¹ Introdūcta tribus privignis.] Lege : | ² In uxore nihil aliud expectas.] Po-

inducta. Idem. | tius , nihil aliud spectas. Idem.

effugere fabulas novercarum, voluit adversus casus etiam præparare: ¹ illam nihil in domo habere, propter quod privignis invideret. Quid si fecit hoc non modo noverca, ² sed etiam uxoris optimo animo? Plenam invenerat dominum, plenum testamentum. Quid mihi inquit: cum partu erat? dederat mihi fortuna juvenes: neque maritus ejus ætatis est, ut concupiscere novos liberos possit, ne fraternitatis quidem eadem jura futura erant, inter tam dissonantes tamque discordes. At nunc expellitur: & quoniam bona fuit noverca, nec liberos habitura est, nec virum.

CCCXXVIII.

Discordes fratres.

Filii familie duo adolescentes fratres dissidebant. juncta erant eorum cubicula. Quodam tempore auditio tumultu in interior parte domus, venit pater in eum locum, in quo clamor erat, invenit alterum ex filiis occisum. Cubicularium ejus torfit, & occidit in tormentis: quid compererit, incertum est. Interrogavit illum filius quid comperisset: non indicantem accusavit dementiae. Absolutus est pater. juvenis parricidii accusatur, adegit illi & pater.

SERMO.

Rei persona ante omnia infirmatur, & necesse est nos ab ea incepere. Prius ergo sumimus id quod prius videretur esse in persona. Occidisse dicitur fratrem, hoc etiam si non possumus efficere, ut in rerum natura non esse videatur, eo tamen perducemus, ut non facile credatur.

DECLAMATIO.

Obijicitur reo discordia cum fratre, & hoc priusquam ad causas pertineat occidendi, ad crimina personæ admittimus. ³ Discordia cum patre. Ante omnia, commu-

¹ *Illam nihil in domo habere.]* Arodius, item in domo. Scribe: *Voluit effugere fabulas novercarum: voluit adversus casus sejam præparare: voluit nihil in domo habere propter quod privignis invideret.* Idein.

² *Sed etiam uxoris optimo animo.]* Potius, optime. Idem.

³ *Discordia cum patre. Ante omnia.]* Arodius: cum fratre. Haud dubie recte. Dein, commune maledictum est omnibus qui accusantur. Sed penes. Hoc probare non possum. Discordia, inquit, est communne maledictum: hoc est, quo tam latitudiniter mortuus quam vivus, quando non constat, penes utrum fuerit culpa. Sic supra